



## Universitätsbibliothek Paderborn

### **Rev. P. Francisci Josephi à Rodt Capuccini Anterioris Austriæ Provinciæ. Opus ...**


Planctvs Ecclesiæ Et Animæ - Super Caput Primum Lamentationum  
Jeremiæ Prophetæ. Allegorice, Et Moraliter Expositus, & Distributus In  
Discursus LII. Concionatorios Quadragesimales ... ; Scilicet Liber Vitæ, Et  
Excessvs Amoris ...

**Rodt, Franz Joseph von**

**Campoduni, 1680**

Discursus XLI. Deplorat Ecclesia falsitatem amicorum (Christianorum) oer  
quos tam ipsa Ecclesia quàm proximus decipitur.

[urn:nbn:de:hbz:466:1-52659](https://nbn-resolving.org/urn:nbn:de:hbz:466:1-52659)



# DISCURSUS XLI.

Coph.

Vocavi amicos meos , & ipsi deceperunt me. *Thr. I. v. 19.*

## DE ECCLESIA.

*Deplorat falsitatem amicorum ( Christianorum ) per quos tam ipsa Ecclesia , quàm proximus decipitur.*

*1. Eccl. 6. v. 7. 4. & seq.*

**S**apientissimè simul ac verissimè Ecclesiasticus amicitia veræ extollit pretium , ejusque inestimabilem deprædicat valorem; *Amicus fidelis protectio fortis, qui autem illum invenit, invenit thesaurum.* Et rursus : *Amico fidelis nulla est comparatio, & non est digna ponderatio auri, & argenti, contra bonitatem fidei illius : Amicus fidelis, medicamentum vitæ, & immortalitatis.*

*S. Aug. l. de amicitia. c. 5. Amicus fidelis*

Unde meritò S. Augustinus (vel quisquis Auctor est illius libri de amicitia) infert : *Amicus sapiens, medicamentum est vitæ.* Et iterum : *Non aqua, non sole, non igne, pluribus locis utimur, quàm amico, in omni actu, in omni studio, in certis, in dubijs, in quolibet eventu, & in fortuna qualibet & c. ac demum concludit : Igitur amicitia est divitibus pro eleemosyna, quam-*

vis enim bonis temporalibus affluent, hac tamen juvari amicitia eleemosyna non erubescunt, cum quisvis amicorum sit indigus. *Exulibus pro patria;* nam in exilio verum inveniens amicum, quasi postliminio in patriam reductus est, in qua nihil magis, quàm relictum amicorum cœtum deplorat : è contra in patria amicorum fidelitate destitutus, in ea exilium agit.

*Pauperibus pro censu;* pauper enim bono, & potente suffultus amico, jam sufficientes & paupertatem compensantes redditus habet. *Egrotis pro medicina;* non enim est vulneribus, & afflictionibus nostris efficacior medicina, quàm habere, qui omni incommodo occurrat compatiens. *Mortuis pro vita :* quia & mortui ab amicorum superstitem commendati encomijs, in memo-

*Quam illis & consolatio vitæ.*



memoria hominū reviviscunt. *Sanus pro gratia, imbecillibus pro virtute, robustis pro præmio.*

Hug. hic. Non ergo mirum, cur tam ardentem Jerusalem angustiata, & cum ea afflicta Ecclesia amicorum impleret auxilium, & fidem: *Vocavi amicos meos, dicit Ecclesia.* Sed intimis conqueritur gemitibus, & ipsi deceperunt me: experta scilicet abominandam amicorum (fidelium suorum, minus fidelium) falsam duplicitatem, quam non tam in ipsam, quam in se invicem exercent.

II. Spoliatus omnibus bonis, imò & ipsis charissimis liberis suis patientissimus Propheta, cum ulceribus plenus sederet desolatus in sterquilinio, ut aliquod saltem inter miseras suas haberet solatium, ad amicos suos animum, atque vocem suam convertit, illorum implorans auxilium: *Miseremini mei, miseremini mei, saltem vos amici mei, quia manus Domini tetigit me.* O amici! qui in prosperitate semper mihi fuistis socij, qui dulces mecum capiebatis cibos, non me deserite, sed inter inimicorum persecutiones, & immixtas à divina manu afflictiones, *miseremini mei, miseremini mei, saltem vos amici mei.*

Hugo Card. hic. Sic & Ecclesia. *Vox est Ecclesie, ait Hugo Card. quæ amicos & fideles in tribulatione posita compellat: Vocavi amicos meos, & ipsi deceperunt me.*

*runt me. Nōne enim Ecclesiam decipit (ait præfatus commentator) ille qui plures habet præbendas: ubi enim deberent plures esse ministri Ecclesie, non est nisi unus. Sed adhuc gravius apud patientissimum Job, ab amicis se deceptam conqueritur Ecclesia, ab ijs non tantum nullam recipens assistentiam, sed sævam etiam persecutionem: quare persequimini me sicut Deus, & carnis meae saturamini? Dum scilicet afflicta mater Ecclesia, interpellans maritum, eum ob commissos defectus sibi experitur iratum; si filios, eos inter ubera, & in sinu suo materno exhalantes spiritum intuetur, partim fame, & ærumnis, partim gladio consumptos, effusum cernes Christianum sanguinem, tanquam aquam in circuitu Jerusalem, non à gentilibus tantum, & sectarijs, sed ab ipsis fidelibus amicis suis, à quibus tamen nulla fidelitatis specimina experiri potest, sed sub fidelitatis, & amicitie prætextu, summis infidelitatis, & falsitatis malis affligitur: Omnes amici eius spreverunt eam, facti sunt ei inimici.*

Tanto falsitatis, ac corruptæ amicitie vitio laborasse Jerosolymam, à Vespasiano, & Tito obsessam, testantur Josephus Historicus, & Egesippus, ut nemo ab amico dignoscere inimicum posset. Longis usi vestibus, sub ijs tela, ac gladios abscon-

*Sed ab ijs decipiuntur.*

*Thren. 1. amici eius spreverunt eam, facti sunt ei inimici.*

*Falsitas inter Induos*



Tempore  
obsidionis.

scorderunt, eò formidabili-  
liores Sagatis, quò fraudulen-  
tius nocebant Togati, inopina-  
to quemvis ictu trucidantes.  
Joannes, primus seditioforum  
fautor, ita dextrè hostilitatem  
sub amicitia larva abscondere  
noverat, ut Jerosolymita in ei'  
confisi fidelitate, eum contro-  
versia, ac litis arbitrum roga-  
rent, qui datam sibi auctorita-  
tem, in populi perniciem con-  
vertit, totus fovenda seditioni  
intentus. Non minus nociva,  
sub specie amicitia, tunc gessit  
Simon Giocæ filius, rogatus  
enim ut urbis, ac boni publici  
partes foveret, statim ut in  
urbem admissus est, totam  
subvertit pacem, omnesque  
machinationi suæ contrarios,  
sub pallio & titulo zeli pemi-  
tit. Ut altum tunc ingemiscens  
Jerosolyma cõquereretur, voca-  
vi amicos meos, & ipsi deceperunt me.

III.  
Eadem  
experitur  
Ecclesia.

Et nunquid eadem hodie fa-  
cies lugubris, plorantis Jerusa-  
lem, Ecclesie, quæ ab amico,  
inimicum nescit dignoscere,  
multosque togatos sub longis  
vestibus abscondere tela & ar-  
ma experitur, eò periculosiores  
inimicos, quò magis tecti sub  
amicitia, & pacis toga, latent.  
Omnis amicus meus fraudulenter in-  
cessit in me. A quibus enim reddẽ-  
dam sibi pacem, ac contra hostes  
defensionem expectabat Eccle-  
sia, ij Machiavellismi ducti ma-  
ximis, attentam tantum ratione

Jerem. 9.  
v. 4.  
Sub toga  
pacis bel-  
lum para-  
tur.

status, parum de Ecclesie tran-  
quillitate, aut incremento cu-  
rant, imò ipsam Ecclesie, ac  
Christianorum Principum pa-  
cem subvertere, nullo sibi scrupulo  
ducunt, dummodo per hoc  
sua stabilire, aut ampliare con-  
finia, & proprium interesse pro-  
movere possint. Vocavi amicos  
meos, & ipsi deceperunt me: nempe  
mali Catholici ( ut notat Glossa )  
in potestatibus constituti, in quibus Ec-  
clesia sepe confidit, quasi amicis, sepe  
decipiunt eam, & majorem ab ips  
Ecclesia læsionem, atque dolo-  
rem, quàm consolationem, &  
auxilium accipit, in illis confi-  
dens.

Dens putridus, & pes lassus ( do-  
cet Salomon ) qui sperat super in-  
fideles, in die angustia, & amittit pal-  
lium in die frigoris. Serviunt den-  
tes homini ad mastigandum, lo-  
quendum, & alijs animalibus  
ad se defendendum; pes, ad cor-  
pus ferendum & sustentandum;  
pallium ad tegendum, & foyen-  
dum. Sic etiam verus amicus  
servit homini ad sustentatio-  
nem, bonam famam, & defen-  
sionem; sustentat illum, atque  
fert, ut stare, & etiam progres-  
sus fortuna facere possit: regit  
illius fragilitates ac defectus, &  
contra irruentium persecutio-  
num molestias defendit. Sed  
amicus infidelis, est sicut dens  
putridus, nam veluti iste nihil  
servit homini, sed comesturo  
sumas causat molestias ac dolo-  
res,

Glossa  
Ord. hic  
Amicus  
fidelis.

Prov. 25.  
v. 19.  
Est sicut  
dens, pes,  
pallium.

Infidelis,  
est dens  
putridus.



res, ciet catarrhos è capite defluentes, anhelitum putredine sua foetidum facit, vicinos etiam corrumpit & inficit dentes, atque cœli serenitate variante, ac nubilis ingruentibus tempestatibus, doloribus incalescit, ac prope furit; sic amicus infidelis, non nisi dolores & angustias parit, malorum omnium affluxum causat, odorem sanæ inficit, alios etiam pari malignitate corrumpit, atque pro temporum, ac fortunæ varietate dolores, ac cruciatus moderatur, aut intēdit: quare excutere ejusdem dentem, & falsum amicum præstat, quàm ad doloris & periculi incrementum, diutius eum ore circumferre.

IV. *Pes lassus*, & *podagricus*, est amicus infidelis, qui huic innititur stare diu non potest, nedum progredi in prosperitate; dum maximè illius indigeret subsidio, destituet viribus sibi innitentem. *Noli contemnere, cum senuerit, mater tua*, nempe *Ecclēsia*, licet enim senuerit, non tamen est anus edentula, sed os ejus dentibus circumseptum; at modo non inter hos, dentes putridos numeraret, infidelēs amicos, qui non ad masticationem, & defensionem, sed ad dolorem deferviunt, pro temporum varietate magnum illi causantes dolorem. Sed & pedes habet, sed admodum fessos, *podagricos*, & *nodosos*, quibus-

cum progressus ulteriores nequit facere. *Dens putridus, & pes lassus, qui sperat super infideli, & d. gri. os. amittit pallium in die frigoris.*

Nunquam magis pallio, quàm in intenso frigore indigemus, sicut æstatis tempore, & sereno cœlo, rarè pallium gerimus, ita eo tempore denegatum minùs dolemus; tempore autem intenso frigoris, venti, tempestatibus, ac imbrum copiosorum, uti maximè pallio indigemus, ita ægerrimè eum nobis sublatum dolemus. Pallium amicus est, qui fovet & tegit; hoc pallium, affulgente fortunæ serenitate, facile quisque sibi comparare potest, sed in tempore frigoris, & tempestatibus, decidit pallium, & infortunii frigore rigentem & trementem delerit amicum.

*Tempora cum fuerint nubila, solus eris.*

Et quid talis prodest amicus, qui tum maximè, cum ejus nobis necessarium, foret auxilium, deficit? nam amittit quis pallium in die frigoris, (uti *Cardin. à S. Caro* notat) quando *maximè est necessarium*. Sicut ille, qui habet dentes putridos, non potest masticare. & sicut ille, qui lassus est, & vellet longius ire, & sicut ille, qui pallium amittit, quando frigus invalescit. Cum tamen amicus maximè in necessitate, ad nostram utilitatem desideretur.

*Vulgus amicitias utilitate probat. Effectū utilitatis, non affluentiam*

*Pallium ami. 106.*

*Sereno cœlo non se subtrahit.*

*Sed tunc, cum maximè necessarium.*

*Hug. Cardin. à S. Caro notat)*

*quando maximè est necessarium.*

*Sicut ille, qui habet dentes putridos, non potest masticare.*

*& sicut ille, qui lassus est, & vellet longius ire, & sicut ille, qui pallium amittit, quando frigus invalescit.*

*Cum tamen amicus maximè in necessitate, ad nostram utilitatem desideretur.*

*Vulgus amicitias utilitate probat.*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*

*Effectū utilitatis, non affluentiam*



tiâ verborum probatur amicitia, multos enim invenire est, qui ore summam gerant amicitiam, cor autem eorū longè est.

V.

*Cygnus  
foris al-  
bus, intus  
niger.*

Hi nimirum sunt instar cygnorum, qui foris quidem candidissimis nitent plumis, intus autem nigram habent carnem, hinc Israelitis edî prohibitam. Sic amici exterius in verbis, & gratiosis gestibus candorem, ac comitatem, omnemque serviendi promptitudinem gerunt, sed intus in corde atrâ bile, & invidiâ agitati, non nisi ruinâ, & interitum machinantur, cor corvinum, & plumas gerentes cygnorum.

*Sic falsus  
amicus*

*Est Ens  
rationis  
Chimari-  
cum.*

Ens rationis meritò falsos istos dices amicos: Ens rationis fictitium merè, & Chimæricum, ex variis constat animalibus fingitur.

*Prima Leo, postrema Draco, media ipsa Chimæra.*

Chimæra ex variis composita animalibus, est falsus amicus, Cygno-Corvus, Columba-Vulpes, vel Columba-Canis. Optimè ad propositum S. Hieronymus: *Verè monstruosa res est, speciem habere columbinam, & mentem cannam, professionem ovinam, & intentionem lupinam, intus esse Nerone, & foris Catonem, &c.* Et tamen de hac duplicitate non erubescunt moderni Politici, sed gloriantur in ea, summumque sapientiæ apicem se conscendisse æstimant, si dextrè proximo suo imponere, & talia

*S. Hieron.  
epist. 98.*

fictio amicitie titulo subministrare consilia possint, quæ sub prætextu utilitatis, in interitum illos præcipitent.

Lupum ajunt rigidissimo hyemis tempore famelicum hinc inde conquirendo cibo circumvagatum, demum in vulpem incidisse, quæ magna illi compassionis, & amicitie signa exhibebat; Huic cum ille miseriam ac famem suam confidenter exposuisset, vulpes blandis ipsum verbis consolata, doleo, inquiebat, amice, de tua miseria, quam in his temporum conjuncturis non aliter, nisi sano consilio sublevare queo. Quandoquidem terrâ frigore congelatâ, nulla fructuum acquirendorum spes est, & insuper feræ in altis & securis montium recessibus, pecora autem in stabulis reclusa, omnem tibi intercludunt aditum, ut pro hac vice quadragesimalibus assuescas cibis, suadeo. Modû deinde capiendis piscibus præscribens, ad torrentis, (ait,) vel stagni ripam sedes, immissâ in aquas caudâ, & siquidè caudam mordere, illique harere piscem senseris, confestim eum exurgendo extrahas. Placuit consilium famelico lupo, atque de amicabili affectu vulpi gratias agens, festinus ad torrentem, jam hinc inde præ frigoris intensione, glacie obduratum confedit, caudam in aquam, ut erat edoctus, protendens.

VI.  
*Apologus  
de lupo  
vulpe.*



dens. Sederat per longam mo-  
ram ita immotus ad ripam lu-  
pus, nec retrospicere quidem  
ausus, ne adnatantes, motu cor-  
poris, absterret pisces, tan-  
dem & fame, & frigore defati-  
gatâ suâ patientiâ, exurgere  
paulisper lupus, & attrahere  
caudam tentavit, experturus  
piscationis suæ effectum. Cùm  
itaque leniter surgendo extra-  
here caudam non valeret, adhuc  
animum non despondens, spe-  
rabat tantæ magnitudinis, aut  
copiæ pisces caudæ hære, quæ  
majorem trahentis violentiam  
exigeret; unde toto conatu,  
totisque viribus eluctari frustra  
conatus, tum demum caudam  
glacie penitus constrictam, &  
affixam hære advertit, quare  
miserandum ululans, vulpis,  
licet frustra, implorabat auxi-  
lium, hæc enim liberè gallina-  
ria interim visitans, parum de  
lupi curabat angustiis, qui fri-  
goris, famisque miseriis pene  
confectus, ac eminens accu-  
rentem cum securi rusticum  
conspicatus diris omnibus infi-  
delia vulpis consilia, ac fictam  
amicitiam detestatus est. *Vocavi  
amicos meos & ipsi deceperunt me.*

VII.  
Maligna  
consilia  
fallaciarum  
amicorum.

Eadem à fallis amicis, & po-  
liticis statitis patitur simplex,  
ac recta fidelium turba, cui sa-  
lubria se subministrare simu-  
lant consilia, suadent contractus  
ac societates, fœdera ineunda,  
tutelas suscipiendas, movenda

P. Franc. Josephi Op. IV.

bella, &c. omnia sub magnæ u-  
tilitatis tam publicæ, quàm pri-  
vatæ prætextu, cùm tamen a-  
liud non quarant, quàm ut mi-  
seri miseriis & angustiis irreti-  
ti, ac quasi inimica perfidiæ gla-  
cie constricti, detineantur, quò  
liberius ipsi Interesse proprium  
venari interim valeant, parum  
solliciti, aut anxij, de alterius  
interitu, suis insidiis, ac malignis  
cõsiliis preparato, quin huc  
omnes ingenii vires acuunt, &  
artis hujus ex industria profes-  
sionem faciunt, ut aliis decipu-  
lam, & laqueum ponant.

Atlas leoninâ contectus pel-  
le, antiquis credebatur susten-  
tare orbem, sed moderno sæcu-  
lo Atlas non leoninâ, sed vul-  
pinâ, contectus pelle, orbem  
gestat. Hinc orbi, à tali Atlan-  
te sustentato, meritò inscribas:  
*Hoc modò sustentor.* Vulpinâ sci-  
licet pelle, & fallaciâ sustentor,  
imò pervertor.

Orbis  
vulpinâ  
pelle su-  
sistentatur.

Ex hac vulpinâ versutia &  
mendaci fallacia, eò deventum  
est, (uti bene advertit S. Anto-  
ninus) *Quodd ex multitudine men-  
daciorem, & hominum, qui sunt  
mendaces, quasi nullus credit alteri.*  
Mittuntur à magnatibus sum-  
ptuosæ legationes, arcta offe-  
runtur fœdera, sanctæ amicitiæ,  
& societates indissolubiles, sed  
nullus jam amplius fidit, aut cre-  
dit alteri, *ex multitudine mendacio-  
rum.* Non in bellis, & castris,  
non in politicis contractibus,

S. Anto-  
ninus p 3.  
tit. 10. c. 1.  
S. 3.

Nimia  
mendacia  
non nem fi-  
dē tollunt

Y y

&



& aulis, nullus aut fidit aut credit alteri, ex multitudine mendaciorum, & fallaciarum, quibus probe mundus modernus novit sub amicitia specie ludere, & illudere.

*Falsi amici seu feles.*

Feles blandè norunt adulari, pelle tenera manus, vultumque bladiendo tergere, sed cum minimè suspicamur, ungues exerunt, ac vulnerant, Et sic, cum ludunt, ladunt. Haud secus fièti, in moderno sæculo, amici blandiuntur, manibus, pedibusque delicias faciunt, dulciter in verbis, & gestibus ludunt, sed dum ludunt, ladunt; & veluti aviculæ, quæ aliis vocandis ac decipiendis aluntur ab aucupe, dum ludunt, illudunt, sic & amici falsi, ad ruinam tantum, & interitum proximo illudunt, & provocant.

*Et aves.*

*Jerem 5. 26.*

Contra hos per Jeremiam conqueritur Deus: *Inventi sunt in populo meo impii, insidiantes quasi aucupes, laqueos ponentes, & pedicæ ad capiendos viros; sicut decipula plena avibus, sic domus eorum plenæ dolo.* Nihil aucupibus aut familiaribus, aut in aves videtur esse propensius; vix auroræ cælum purpurante, isti jam avibus parant escas, & fistulis dulces illarum provocant concentus. Advolant turmatim curiosæ aviculæ, respondent cantu, reddunt sibilos, applaudunt alis, & de viridi fronde, de arbore unâ ad alteram jucundè saltitantes,

*Aucupum dolositas.*

de præparatâ sibi, licet neque ferentibus, neque metentibus, à Deo suo mensâ applaudunt, sed dum escis inhiant, laqueum, decipulas, casses, & dolosas aucupis insidias non prius capiunt, quàm captæ sint.

Aucupes, falsos amicos, appositissimè dixit Propheta, hi enim officiosissimos se omnibus, ac comicos exhibentes, cum Absalone summo manè captivandis animis invigilant, dulcibus sibilis ac verbis aures demulcent, in amicitia indubitata testimonium convivio parant, nullum officiositatis genus omittunt, manibus pedibusque delicias faciunt, nec inclinandorum pedum, osculandarum manuum finis. Sed cave simplex avicula, cave fñaceri & candidi animi columbæ, sub istis cantibus, sibilis, ac escis non nisi laquei, & decipulæ latent, quibus irretita, serò nimis dolosi aucupis insidias experieris, *cujus domus plena dolo, sicut decipula plena avibus, scilicet ab eis deceptis,* (glossatur Lyranus) & domus eorum plenæ dolo, id est, *Bonæ simplicium, dolosè acquisiti.*

Ideo (ait Propheta) *magnificati sunt, & ditati, incrassati & impinguati,* in tantum, in quantum alii, ipsorum falsâ amicitia decepti, facti sunt in substantia sua macilentiores, præsertim desolatæ viduæ & pupilli. Unde prosequitur Propheta: *CAU-*

*sans*

*Typus falsorum amicorum.*

*VIII. Vidua negligens.*



Quia nul-  
lum inde  
sperant  
lucrum.  
Lycanus.

sam viduæ non iudicaverunt, cau-  
sam pupilli non direxerunt, & iudi-  
cium pauperum non iudicaverunt.  
Quia non sperabant inde habere lu-  
crum; addit Lycanus.

Dum vivebat adhuc maritus,  
nobilitate illustris, clientibus  
potens, magistratu, aut prator-  
riâ dignitate excellens, omnes  
cum marito inclinabantur re-  
verenter filii & uxori, patro-  
nam, cognatam, affinem, ac aliis  
honorum titulis salutabant, sed  
erepto per mortem marito, vi-  
duam desolatam, pupillos de-  
relictos, nemo est, qui paren-  
telam agnoscere, tutelam susci-  
pere, illorum iudicium, & cau-  
sam agere velit, cum nullum  
inde speretur lucrum, aut favor  
reciprocus.

sicut mo-  
lendinum  
venti

Similes sunt falsi eiusmodi  
amici, molendinis vento agita-  
tis, qui tamdiu gyrantur, &  
molunt, donec aspirat ventus,  
isto cessante, stat molendinum,  
unde de hoc acutè dictum: Quo-  
usque spirabit.

Cessante  
vento si-  
stet.

Sic etiam prospere  
rà afflante aurâ currunt, & ad-  
volant amici, de officiositatis  
primatu competentes: sed quo-  
usque spirabit, prosperioris fortunaæ ven-  
tus, nam hoc expirante, mox  
omnis amicorum cessabit offi-  
ciositas. Unde S. Augustinus:  
Est amicus secundum tempus suum,  
& non permanebit in die tribulatio-  
nis. Tolle spem quæstus, & statim de-  
sinet esse amicus. Causam viduæ,

S. August.  
l. de Ami-  
citiâ, c. 11.

causam pupilli non iudicabit,  
tutelam non suscipiet, quia non  
sperat inde lucrum; vel si sus-  
cipiat, incrassabit & impingua-  
bit se, & cum domos viduarum  
devoraverit, amicitiam & pa-  
cem stabilire volet.

Vulpes gallinarium ingres-  
sus, devoratis omnibus gallinis,  
cum gallo in arborem cautè  
confugiente, amicitiam se con-  
tracturum simulabat, legem  
modò latam esse asseverans, ut  
nullus posthac alteri noceret,  
proinde descensum gallo per-  
suadere conabatur. Sed frau-  
dem subodoratus gallus, in ar-  
bore, quasi attonitus, acriter cir-  
cumspexit. Causam tam sedu-  
læ circumspæctionis sciscitanti  
vulpi, respondit gallus; ca-  
nes duos venaticos illuc ac-  
currentes video; quo audito  
vulpes, quâ data porta ruens,  
citato in silvam cursu properat,  
fugienti proclamante fortiter  
gallo, quid fugis? quid times  
amicæ? nunquid pacem undiq;  
proclamatam affirmasti? aut  
simulasti tantum? Ita falsi ami-  
ci detectus dolus, & fraudulen-  
ta pax.

IX.  
Apologus  
de vulpe.

Sic quandoque amici falsi pu-  
pillorum ac viduarum devora-  
tis domibus, ac bonis saginati,  
amicos juratos, tutores inde-  
fessos, protectores intrepidus  
eorum se posthac futuros edi-  
cunt; præteritorum consilium  
& memoriam esse non debere.

Amici  
falsi pa-  
cem pro-  
clamant.



Pacem, & amicitiam proclamant simulatam fide, sed dicunt: Pax, pax, & non est pax. Salutant amicabiliter, tenent mentum, osculantur, sicut Joab Amasam, & interim occultum ferrum lateribus infigunt. Unde cautiore quique vident cui fidant, & damno suo jam prudentiores facti, se faucibus harum vulpium subducunt, nam sicuti de praterita rapina nec poenitentes, nec satiata sunt, ita de cavenda in posterum rapina non proponunt, unde caninos in vulpinam pellem dentes advocare consultius est, ut detractam fictam amicitiam pelle ac larva, sciant se sciri inimicos, ac fugam, non amore dignos esse, imo tales, tanquam vineam Domini, sub amicitiam titulo, turpiter demolientes vulpecula canibus expellantur, aut caninis dentibus dilacerandam projiciantur.

*sed cum  
istis vul-  
pibus non  
est pax.*

X. *Jerem. 5.* Contra quos etiam graviter exardescit ira, *Nunquid super his, non visitabo dicit Dominus, aut super gentem huiusmodi non ulciscetur anima mea?* ait per Prophetam Jeremiam loco citato Deus, quod adhuc acrius capite nono prosequitur: *Unusquisque se a proximo suo custodiat, & in omni fratre suo non habeat fiduciam, quia omnis frater supplantans supplantabit, & omnis amicus fraudulenter incedit. Habitatio tua in medio doli. Et iterum: Sagitta vulnerans est lingua*

*Falsis a-  
micis mi-  
natur  
Deus.  
Jerem. 9.  
v. 4.*

*eorum, dolum locuta est: in ore suo pacem cum amico suo loquitur, & occulte ponit ei insidias. Nunquid super his non visitabo, dicit Dominus, aut in gente huiusmodi ulciscetur anima mea?* Et tamen has dolosas simultates, & simulatas amicitias parum curant desere, multo minus emendare Christiani fideles, in hoc genere quandoque infidelibus deteriores, qui neque ejusmodi fallacias dignas aestimant, quas ad poenitentiam tribunal vocent, cum tamen illis tam graviter indignetur, & comminetur Deus, quia per has omnis in communitate societas, fidelitas & amicitia tollitur, qua nihil melius, nihil in republica utilius, adeo ut Tullius dicere non veritus sit; *Solem e mundo tollere videntur, qui amicitiam e vita tollunt.*

Erubescite igitur Christiani fideles, vestram mentis infidelitatem & duplicitatem hunc solem Christiano orbi e medio tollere, sed deponentes omnem malitiam, & omnem dolum, & simulationem, &c. sicut modo geniti infantes sine dolo lac concupiscite. Infantes simplices & sinceros optat esse Christianos, Apostolorum Princeps, sine dolo, sine simulatione, reprobatur in illis vulpinam astutiam, & simulationem, & columbinam, ovinam, & agniam in cordibus eorum plantare satagit sinceritatem, candorem & simplicitatem, qua median-

*Erubescit  
de falsi-  
tate Chri-  
stiani.*

*Cicero l.  
de Ami-  
citia.*

*1. Pet. 1. 6.*



Deum uni-  
cus firmus  
amicus  
& ancho-  
ra.

Seneca in  
in ludo  
de morte  
Claudii.

mediante etiam in amicitiam  
Dei venire, & in ea permanere  
in aeternum mereantur. Et hic  
unicus, in quem indubitanter  
confidere possumus, amicus no-  
bis sufficiat. Repræhendit qui-  
dem Seneca illum, qui non nisi  
unicum habet amicum: *Perdidi  
amicum! Fortem animum habe si  
unum; erubescere, si unicum. Quid tu*

*in tanta tempestate ad unam ancho-  
ram stabas? Sed mille amicorum  
terrenorum anchoris, unicus  
præstat Deus, in illo vestram  
spem figite, in illo unico indu-  
bitanter confidite, cui uni adhæ-  
rere bonum est, cui unico af-  
fixus non confundar  
in aeternum. A-  
men.*



DISCURSUS XLII.

Coph.

Vocavi amicos meos, & ipsi deceperunt  
me. *Thren. cap. 1. v. 19.*

DE ANIMA.

*Amicos anima peccatrix sibi facit inordinatas  
passiones, & motus, sed eos advocans in  
morte, ab iis decipitur, & illos sibi factos  
sentiet inimicos.*

1.

**A**ngustiata ab Assyrijs  
Jerosolyma vocavit  
amicos suos Ægy-  
ptios, sibi confæde-  
ratos, quorum amicitia & auxi-  
lio freti Judæi contra Chal-  
dæos rebellaverant: sed exi-  
guum inde subsidium, & sola-  
tium receperunt: *Vocavi amicos*

*meos, & ipsi deceperunt me. Per  
hos amicos Glossa Moralis in-  
telligit dulces carnis affectus, cum  
quibus arctam peccatrix anima  
amicitiam contraxit, in ijs spem  
& solatium suum reponens.  
Sed & ipsi animam sibi intentam de-  
cipiunt, vocavi amicos meos, & ipsi  
deceperunt me. Amicos maxime*

Glossa  
Moralis.

Amici a-  
nima pec-  
catrix.

Y y 3

VO-